

涇陽縣志卷十六

兵防略

卒更給縣番上隸府漢唐制遙兵亦非古百夫一隊無情無游自來走卒起家公候述兵防略第三

涇陽汛

分防涇陽縣經制把總一員隸富平營都司上屬西鳳協轄

額設馬守兵丁四十六名內馬兵十名守兵三十六名旋裁改爲馬守兵三十六名守兵內又分爲馬兵四名守兵二十二名道光元年富平改營爲汛在於恭錄移咨事案內裁缺馬兵一名增添步兵一名現在存馬兵三名步兵一名守兵二十二名共馬步守兵二十六名

教場在

涇陽縣志

卷十六

兵防畧

一

把總署在北門正街

每馬兵一名歲支舊斗粟米八石步兵一名歲支舊斗粟米四石共支舊斗粟米二百二十六石馬一十二匹每匹歲支莞豆五石四斗共支舊斗莞豆六十四石八斗穀草三百六十束共支穀草四千三百二十束

屯軍

乾隆二年暫留屯軍十六名裁減歸農九名止留七名三十一年裁屯軍三名止留四名

驛傳

原設舖兵三十名嘉慶十六年奉文裁撥孝義等廳縣舖兵三名外實在二十七名在城六名永樂四名宋村五名党家橋三名塞頭三名張家二名馬家二名冶峪二名共支銀一百六十二兩遇

閩加銀一十三兩五錢

額設遞馬十一匹馬夫五名半歲支工料銀三百八十七兩二錢  
遇閩加銀三十一兩三錢五分歲額支直銀一十五兩

舊志縣馬四十六匹馬夫二十三名歲支銀一千六百三十四兩

二錢遇閩加銀二百一十兩九錢五分三釐康熙三十六年撥

邊塘馬八匹馬夫四名雍正七年裁馬二十三匹九年買補馬

十匹實裁馬一十三匹馬夫六名半裁銀四百五十七兩六錢

裁遇閩銀五十九兩六錢一分七釐二毫三絲四微五纖十年

撥新塘馬四匹馬夫二名於乾隆元年領回留縣遞馬二十五

匹每年照十分倒二之例共應報倒馬五匹每匹領價銀八兩

共領銀四十兩內除每匹皮肉變價銀五錢實領銀三十七兩

五錢二十一年奉文調撥咸寧縣馬一十四匹馬夫七名實留

涇陽縣志

卷十六

兵防畧

二

縣遞馬一十一匹馬夫五名半

損夫二十四名歲支銀二百五十九兩二錢遇閩加銀二十一兩

六錢

舊志損夫七十名歲支銀七百五十六兩遇閩加銀一百四十六

兩四錢二分九釐內雍正十年裁夫四十六名裁銀四百九十

六兩八錢遇閩裁銀九十六兩一錢二分五釐現在二十四名

前代驛站銀凡八千三十兩五分初以其強半編底張諸驛馬

站十二驢站十三牛站一百五十二餘則輸府協濟邊站後以

邑化為衝衢留銀二百八十二兩募馬以贍征夫之需是以魏

恭襄曰邑所以不設驛者以道自關東來至京兆驛始分為二

一由咸陽渭水驛達西南一由三原建忠驛達西北涇陽固僻

處耳而行者以憚經會城往往自渭南臨潼取道出此以故由

京兆者什三出是邑者反什七也夫既盡其站金編諸驛役矣

又協濟諸邊矣則所以供通塗驛使什七之費者獨里甲徭差

耳如之何民不日困也往歲部使者嘗議建驛乃不決而姑歸

所出協濟之二三以資之未為完計也故驛行者必禁其不在

道涇陽始可至崇禎初奉旨裁減驛遞知縣路振飛為臺使者

力陳當革狀其畧曰為驛縣無端奔命議裁不如議革伏乞題

禁仰副明旨與民休息事照得涇陽設在省北原係偏僻凡往來差務自潼關抵臨潼省城至咸陽正道各處設有驛所募有夫馬中隔涇渭兩河近因避官朝參掛號便枉道走涇高使人餘里中隔涇渭兩河近因避官朝參掛號便枉道走涇高使人不息官馬不停蹄各圖一日之便貽兩縣終歲之勞各役責妻鬻子呼號無門者久矣今幸遇聖明在上加惠窮民於劉掌科題驛站積弊已極等事疏內旨批務裁冒濫嘉與疲民休息又查原疏內欵云自崇貞三年為始各役工食俱裁十分之六以蘇民力煌煌天詔惓惓斯民味裁之役工食俱裁十分之六涇高其不然省會既有夫馬則兩站為妄費而無用矣哀此憐人不能盡為革而不得止議裁今得為革而如之向不革也說設備驛所者分應奔走減一分便覺一分之寬舊有驛所者亦須條備驛留一分仍覺一分之供按鹽兩臺駐劄併高陵馬匹夫役比照鄰封州縣量留足供兩盡還民間仍乞代題於來公用其餘一概革去所有工食銀兩盡還民間仍乞代題於新豐底張咸陽留道處所建立石碑不許枉道涇高永為遵守則予遺之民從此息肩而浩蕩之恩先在涇高矣具經通詳訖續奉批查議覆該知縣路振飛查得驛站一事蒙各院道批查不一准民之心一也無非為事在更張求至當不易耳細計涇高之驛站至當不易者莫如革請就其宜革與不可革者詳言之方今民窮矣正供維艱而本縣每歲出夫馬工食共銀八千二百二十八兩五錢零高陵夫馬工食共銀二千五百錢二分其下程廩給皂役等之費仍不貲焉凡此誰非

涇陽縣志

卷十六

兵防畧

三

膏血而以靡子之民供此可省之費也宜革也新豐至京兆七十里京兆至咸陽五十里止三站其道蕩平無礙新豐至高陵五十里高陵至涇陽五十里涇陽至咸陽五十里則四站而渡渭涉涇高原傾險以遠近險夷計之宜革也驛站可以供往來耳官城有京兆行旅不悲露處矣復留涇高兩站何用乎宜革也涇高原無驛站但人情任便等於濫觴歸重驛傳道本道駐積弊者正為此也宜革也且也聖旨煌煌歸重驛傳道本道駐劉省城警如關者必萬途歸一乃得譏察焉而復留涇高兩站其假牌舊票携帶行商誰不避省私遣白牌濫用夫馬誰不避省恐留此途則涇高留驛矣驛所之官應設當汰冗員冗役之查定事欲經久涇高留驛矣驛所之官應設當汰冗員冗役之際恐建驛不可不革者如言也不可不革也職反覆叅酌止見其宜革與不可不革者如言也不可不革也職反覆叅酌止見其驛在議上卒格不行於是訖明之末邑有協濟有私幫驛站疲於奔命國朝賦役寬簡民樂更生而涇陽之驛站如故以無驛之縣供四應之差共勢究將不支留心民瘼者當涇之困於勢惻然思有以處之也

附唐元兵制

按涇陽兵制惟唐府兵元屯田見于唐書元史及長安志可考明太祖命耿炳文督屯田涇陽屯法史無明文今錄唐元

之制其漢宋明無徵者姑闕疑云

初高祖以義兵起太原已定天下悉罷遣歸其願留宿衛者三萬人高祖以渭北白渠旁民異腴田分給之號元注禁軍後老不任事以其子弟代謂之父子軍

新唐書兵志

太宗貞觀十年更無統軍為折衝都尉別將為果毅都尉諸府統曰折衝關內二百六十一皆以隸諸衛

折衝府

長安志雲陽縣下按唐宋雲陽縣城即今涇陽縣北雲陽鎮

陝西等處行中書省所轄軍民屯田

元史兵志

陝西屯田總管府

世祖至元十一年正月以安西王府所管編

民二千戶立櫟楊涇陽終南渭南屯田十八年立屯田所十九年籍為屯戶至元十年所僉接應成都延安軍人置立民屯設立屯田所尋改為軍屯三十年復更為民屯為戶櫟楊七百八十六戶

涇陽縣志

卷十六

兵防畧

四

後存六百五十戶涇陽六百九十六戶後存六百五十八戶櫟楊一千二十頃九十九畝涇陽一千二十頃九十九畝

同上